



*Tsoom Kav Tswj ntawm
Cov Neeg Ntseeg Siab*

*Michelle Rivas
Tuam Thawj Coj*

*Michael Baker
Lwm Thawj Coj*

*Christine Jefferson
Tus Neeg Saib Xyuas
Ntaub Ntawv*

*Bob Bastian
Tus Neeg Hauv Pawg*

*Basim Elkarra
Tus Neeg Hauv Pawg*

*Linda Fowler, J.D.
Tus Neeg Hauv Pawg*

*Rebecca Sandoval
Tus Neeg Hauv Pawg*

*Tuam Thawj Tswj
Steve Martinez, Ed.D.*

*Txhawb txhua tus me
nyuam kom muaj txoj kev
ntshaw los ua tau yam zoo
tshaj plaws txhua hnuv*

Cuaj Hlis Ntuj 10, 2021

Rau Cov Neeg Ua Haujlwm thiab Twin Rivers Tsevkawm lub Zej Zog,

Txawm hais tias peb tseem nyob rau ntawm txoj kev taug ntawm no toj mus ntxiv thiab cov kev nyuaj los tseem muaj ntxiv tuaj tsis tu ncuu, peb muaj cov tswvyim kev npaj nyob muaj chaw los daws thiab pab rau qee cov kev xav tau tam sim no thiab cov uas yog qhov tseemceeb. Peb yeej hnov txog cov kev txhawjxeeb loj hauv nej cov lus nug hais txog ntawm txoj kev qhia ntawm thaum twb raug cais nyob tsev lawm, thiab Kuv xav qhia rau nej paub hais tias nqe lus ntawm no yeej ua rau peb paub zoo thiab peb yeej mob siab rau qhov ntawd. Tshwjxeeb ncajnraim rau ntawm nqe no, Kuv xav kom txhua tus paub hais tias peb tabtom mob siab nrhiav cov hauv kev xaiv ntawm txoj kev kawmntawv uas peb pom tau hais tias peb yuav muab tau rau peb cov menyuum kawmntawv tau kawm thaum uas lawv raug tso nyob qhov kev raug cais nyob tsev vim tau nyob ze ib tug uas muaj COVID-19 lossis thaum uas lawv mus kuaj pom muaj tus kabmob.

Hais kiag kom meej thiab totaub zoo rau ntawm no, tsis muaj dabtsi uas yuav tseemceeb tshaj li ntawm txoj kev saibxyuas tau hais tias peb cov tub ntxhais kawmntawv txoj kev kawm muaj toj mus ntxiv tsis tu ncuu, txawm yog hais tias pejxeem kev noj qab haus huv txoj cai cov nqe lus tau tseev kom tsis txhob tuaj tom tsevkawm rau ib ntus. Peb tabtom mob siab ua haujlwm rau nqe no thiab yuav muaj cov ntaubntawv qhia ntxiv tuaj rau tagnrho peb cov tsevneeg rau yav ntxhov ntawm lub limtiam yuav tuaj tom ntej no. Ntawm no yog qee cov nqe lus tseemceeb uas tejzaum nej yuav xav paub txog:

1. **Thaum raug cais nyob tsev (Quarantine)** – Thov nrog nco hais tias tagnrho cov menyuum kawm yeej muaj kev qhia ntawv cov ntaubntawv thiab cov khoom huvtibsi uas yog siv qhia nyob hauv chavkawm. Nrog nyob sib txuas lus nrog koj tus xibfwb, tsevkawm tus thawj coj lossis tus counselor kom saib xyuas tau hais tias koj tus menyuum kawmntawv tau nws cov ntaubntawv thiab cov khoom kawmntawv raws li qhov nws yuav tsum muaj los kawm. Thov saib cov chaw kev pab ntawm peb daim vejxaij [Parent Corner \(Family and Community Engagement page\)](#).
2. **Ib Ntu-Luv (Tsis Ntev) Kev Kawmntawv ntawm Tus Kheej (Short-Term Independent Study)** – lub limtiam tom ntej no peb yuav faib cov ntaubntawv qhia rau cov tub ntxhais kawmntawv uas tsis ua kev kawm cov haujlwm (assignments) nyob rau ntu uas thaum lawv tsis tuaj kawm ntawv uas tej zaum yog tim qhov uas lawv tau raug cais nyob tsev.
3. **Tagnrho lub Chavkawm Raug Cais Nyob Tsev** – Yog peb pom tau hais tias tagnrho ib chavkawm yuav tsum raug cais nyob tsev, peb muaj ib tug neeg sawvcev (a substitute) tus xibfwb los qhia ntawv tuaj rau cov menyuum kawmntawv nyob online, uas muaj ntsis zoo li thaum lawv kawm nyob tsaib no.

Dua li no ntxiv, xws li muaj kev kub ntxhov kis kabmob thoob lub ntiajtec li ntawm no, peb kuj muaj neeg ua haujlwm tsis txaus vim muaj cov haujlwm uas tsis muaj neeg txaus tuaj ua thiab vim cov neeg ua haujlwm tsis tuaj. Yog koj muaj ib daimntawv thovthawj kawm tiav bachelor degree thiab xav ua haujlwm sawvcev ib tug xibfwb no, koj kuj nrhiav tau cov ntaubntawv qhia ntxiv nyob ntawm <https://bit.ly/3BYmCqV>.

Thov nrob paub hais tias peb yeej mob siab heev rau txoj kev nrhiav kom tau cov hauv kev xaiv uas peb muaj muab tau toj mus ntxiv tuaj rau peb cov menyuum kawmntawv txoj kev kawm kom tsis txhob tu ncuu rau tej ntus nyuaj nyuaj li ntawm no, thiab peb yeej pom txog ntawm peb cov xibfwb thiab pabpawg tswj cov xibfwb uas lawv yuav ua haujlwm uake nrog peb los nrhiav kom tau cov hauv kev uas yog qhov yog tshaj plaws rau peb cov menyuum kawmntawv—lub plawv txoj siab ntawm peb lub luag haujlwm.

Nplooj 2

Lwm cov chaw ntawm cov kev ua haujlwm uas peb muaj cov tswvyim kev npaj nyob muaj chaw los daws cov kev txhawjxeeb yog xws li:

1. **Cua Kub/Txias (Air Conditioning)** – Sab nram zoov kub heev, thiab peb yeej paub zoo txog qhov ntawm no uas yuav tsum muaj cov tshuab cua kub/txias uas khiav haujlwm zoo nyob thoobplaws peb cov tsevkawm. Nyob rau lub sijhawm no, peb muaj cov tshuab ua haujlwm uas tseev kom tau raug kho, yog li no kuv xav kom nej paub hais tias peb muaj rau pabpawg tabtom ua haujlwm los saib xyuas qhov teebmeem. Peb cov pabpawg paub hais tias txoj haujlwm loj ntawm no yog qhov tseemceeb ua ntej txhua yam, thiab lawv tabtom ua haujlwm nrawm li qhov lawv ua tau los daws qhov teebmeem.
2. **Kev Xa thiab Tos** – Zoo tibyam li ntau lub tuamtxhab ua haujlwm, peb kuj muaj cov kev nyuaj nrhiav tau neeg los ua haujlwm rau cov haujlwm uas seem, thiab txoj kev xa thiab tos (transportation) yog ib qho tseemceeb ntawm cov chaw uas peb xav tau. Los kho qhov ntawm no uas peb muaj tsis txaus neeg tsav tshab npav thiab kom los xyuas tau hais tias peb tuaj tos thiab xa tau peb cov menyuam kawmntawv tuaj tom tsevkawm thiab los tsev nyob nyabxeeb kajsiaib lug, peb tau hloov qee cov kev uas cov npauv tuaj lawm kom thiaj li khiav haujlwm tau zoo. [Nyem ntawm no rau tshab npav daimntawv qhia kev tuaj tos thiab xa tshiaib](#). Ua tsaug rau ntau yig ntawm peb cov tsevneeg uas tau ua tiav hlo daimntawv lus nug kev tshawbfawb uas nws qhia tuaj rau peb paub txog cov ntaubntawv tseemceeb ntawm kev xa thiab tos cov kev xav. Nej lub tswvyim thiab kev xav uas qhia tuaj yog ib qho qhia zoo thiab thov nrog ua tsaug rau ntawd.

Ib zaug ntxiv, Kuv yeej lees paub zoo txhij txhua hais txog ntawm ntau cov teebmeem ua tseem niaj hnuv nthuav qheb tshwm tuaj zuj zus vim qhov kev kub ntxhov COVID-19 tseem niaj hnuv tsim kev kub ntxhov, kev nyuaj tuaj tom mus ntxiv tsis txawj tu. Peb sawvdaws tagrho yog nyob uake rau ntawm qhov no, thiab kev sib txuas lus qhia qhov tseeb thiab kev sib koom siab rau tib co dejnum yuav pab peb hla dhau qhov ntawm no. Kuv kuj xav kom nej paub hais tias yeej muaj ntau tus tibneeg tabtom koom siab ua haujlwm uake los daws cov teebmem ntawm no, rub cov neeg ua haujlwm los ua haujlwm tshaj thiab tuav tau txoj kev kawmntawv khiav tau haujlwm rau peb cov tub ntxhais kawmntawv.

Ua tsaug rau koj txoj kev koom siab cog lus los ua li qhov uas tseev kom los pab tau peb cov menyuam kawmntawv tau ib thajchaw nyob nyabxeeb thiab noj qab haus huv. Koj txoj kev txhawb nqa yog qhov uas ua rau Twin Rivers yog ib thajchaw tshwjxeeb rau tagrho peb sawvdaws.

Saib rau lub samxeeb,



Steve Martinez, Ed.D.

Tuam Thawj Tswj, Twin Rivers Unified